

Հավելված N 5

ՀՀ պետական եկամուտների կոմիտեի նախագահի

«05» հունիսի 2023թ. N506-Լ հրամանի

(05100040) / (22012024) / (23)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ

(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՄԱՔՍԱՅԻՆ ԿԱՆՈՆՆԵՐԻ ԽԱԽՏՄԱՆ ՎԵՐԱԲԵՐՅԱԼ ԳՈՐԾԻ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

«22» հունվարի 2024թ.

(ամսաթիվը)

Սիսիան-Երևան մայրուղու 7-րդ կմ

(կազմման վայրը)

Ես՝ ՀՀ պետական եկամուտների կոմիտեի

Հարավային մաքսատուն-վարչության

(ստորաբաժանման անվանումը)

Ղեկավարի ժամանակավոր պաշտոնակատար Նարեկ Սարգսյանս, քննելով՝ Իրանի Իսլամական Հանրապետության քաղաքացի Վահիդ Ահմադիի (անձնագիր՝ V54767662, ԻԻՀ)

(քննվող անձի անվանումը, կազմակերպչական տեսակը, ՀՎՀՀ, պետական գրանցման/ընկերության հասցեն, փաստացի գործունեության

հասցեն / քննվող անձի անունը, ազգանունը, անձը հաստատող փաստաթղթի տվյալները),

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ԻԻՀ քաղաքացի Վահիդ Ահմադիի կողմից 01.12.2022 թվականին Մեղրիի մաքսային կետ-բաժնով թիվ 05100041/011222/0000753977 մաքսային մուտքի օրդերով ՀՀ է ներմուծվել NISSAN - CNG մակնիշի, 2008 թվականի արտադրության, K144181 նույնականացման համարով, 90AA889 պետհամարանիշով տրանսպորտային միջոցը: Հաշվի առնելով, որ ժամանակավոր ներմուծման վերջնաժամկետ է սահմանվել 01.12.2023 թվականը, սակայն ժամկետի ավարտից հետո վերոնշյալ մաքսային մուտքի օրդերին «ՀՀ Արտաքին առևտրի ազգային մեկ

պատուհան» համակարգում «Փակված» կարգավիճակ չի տրվել, ուստի իրավախախտման առկայությունը կամ բացակայությունը պարզելու նպատակով, 15.12.2023 թվականին նշված տրանսպորտային միջոցի և դրա վարորդի սահմանահատումների վերաբերյալ հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է հիշյալ քաղաքացու և տրանսպորտային միջոցի սահմանահատումների պատմությունը, համաձայն որի Իրանի Իսլամական Հանրապետության քաղաքացի Վահիդ Ահմադիին 01.12.2022 թվականին ժամը 15:21-ին Ագարակ պետական սահման անցման կետով NISSAN - CNG մակնիշի, 2008 թվականի արտադրության, K144181 նույնականացման համարով, 90AA889 պետհամարանիշով տրանսպորտային միջոցով մուտք է գործել ՀՀ, իսկ 04.01.2023 թվականին ժամը 01:42-ին ԻԻՀ քաղաքացի Վահիդ Ահմադիին Ագարակ պետական սահման անցման կետով որպես հետիոտն անցել է ԻԻՀ, իսկ տրանսպորտային միջոցի սահմանահատման վերաբերյալ տեղեկատվություն չի տրամադրվել:

Հիմք ընդունելով վերոգրյալը՝ նշված փաստի առթիվ ԻԻՀ քաղաքացի Վահիդ Ահմադիի նկատմամբ Հայաստանի Հանրապետության պետական եկամուտների կոմիտեի ՀՄՎ ավագ մաքսային տեսուչ-իրավաբանի կողմից 15.12.2023 թվականին հարուցվել է մաքսային կանոնների խախտման վերաբերյալ վարույթ՝ «Մաքսային կարգավորման մասին» ՀՀ օրենքի 309-րդ հոդվածի հատկանիշներով, այն է՝ «Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության

մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 309-րդ հոդվածի 1-ին մասի համաձայն՝ «Ֆիզիկական անձանց կողմից հետագա արտահանման պարտավորությամբ Հայաստանի Հանրապետություն ներմուծված անձնական օգտագործման տրանսպորտային միջոցները սահմանված ժամկետում Հայաստանի Հանրապետությունից չարտահանելը, եթե հետագա արտահանման պարտավորությունը խախտվել է ավելի քան տասն օրով՝ առաջացնում է տուգանք՝ ֆիզիկական անձանց կողմից այդ տրանսպորտային միջոցներն ազատ շրջանառության համար բաց թողնելու նպատակով ներմուծելու համար նախատեսված **մաքսային վճարների** (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) **մեծության տասը տոկոսի չափով, բայց ոչ պակաս, քան երեսուն հազար դրամի չափով**»:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝ բացահայտված փաստերի /հատկանիշերի/ նկարագիրը՝ հղում նորմատիվ իրավական ակտի դրույթներին, որոնց պահանջները խախտվել են)

22.01.2024 թվականի ժամը 10:55-ին նշանակված գործի քննության մասին ԻԻՀ քաղաքացի Վահիդ Ահմադիին հնարավոր չի եղել առձեռն ծանուցել, քանի որ 04.01.2023 թվականին ժամը 01:42-ին ԻԻՀ քաղաքացի Վահիդ Ահմադիին Ազարակ պետական սահման անցման կետով որպես հետիոտն անցել է ԻԻՀ, իսկ քաղաքացի Վահիդ Ահմադը 04.01.2023 թվականից հետո այլևս ՀՀ չի վերադարձել:

ԻԻՀ քաղաքացի Վահիդ Ահմադիի ՀՀ-ի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և

քաղաքացիության ծառայությանը, իսկ ԻԻՀ քաղաքացի Վահիդ Ահմադիի անվամբ գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե:

Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ քաղաքացի Վահիդ Ահմադիի հաշվառման վայրի վերաբերյալ տվյալներ առկա չէ:

Ի պատասխան հարցման՝ ՀՀ Կադաստրի կոմիտեն տրամադրել է տեղեկատվություն առ այն, որ քաղաքացի Վահիդ Ահմադիի անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

ԻԻՀ քաղաքացի Վահիդ Ահմադիի և թիվ 05100041/011222/0000753977 մաքսային մուտքի օրդերով ՀՀ ներմուծված NISSAN - CNG մակնիշի, 2008 թվականի արտադրության, K144181 նույնականացման համարով, 90AA889 պետհամարանիշով տրանսպորտային միջոցի սահմանափակումների պատմությունը կրկին ստանալու և քաղաքացու գտնվելու վայրը պարզելու նպատակով՝ 22.01.2024 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանափակումների վերաբերյալ տեղեկատվություն՝ համաձայն որի թիվ 05100041/011222/0000753977 մաքսային մուտքի օրդերով ՀՀ ներմուծված NISSAN - CNG մակնիշի, 2008 թվականի արտադրության, K144181 նույնականացման համարով, 90AA889 պետհամարանիշով տրանսպորտային միջոցը HOWO մակնիշի, 18AA514 պետհամարանիշի ավտոքարշակի վրա՝ վարորդ ԻԻՀ քաղաքացի Մոջտաբա Սալավատիզադեի (անձնագիր՝ E52893783) կողմից 04.01.2023 թվականին ժամը 01:40-ին Ագարակ պետական սահմանի անցման կետով տեղափոխվել է ԻԻՀ:

ԵՏՄ մաքսային օրենսգրքի 264-րդ հոդվածի 8-րդ մասի 3-րդ կետով սահմանվում է, որ՝ «Առանց մաքսային մարմնի թույլտվության և առանց մաքսային հայտարարագրի թույլատրվում է հայտարարատուի կողմից, ի թիվս անձնական օգտագործման այլ տրանսպորտային միջոցների, օտարերկրյա ֆիզիկական անձի

կողմից ժամանակավոր ներմուծված անձնական օգտագործման տրանսպորտային միջոցը փոխանցել օտարերկրյա այլ ֆիզիկական անձանց»:

Այսպիսով, վարչական մարմինը, քննելով գործում առկա ապացույցները, գտնում է, որ չնայած նշված տրանսպորտային միջոցի հետագա արտահանման պարտավորությունը ԻԻՀ քաղաքացի Վահիդ Ահմադիի կողմից չի կատարվել է, սակայն այն կատարվել է այլ անձի կողմից և սահմանված ժամկետում, հետևաբար քաղաքացի Վահիդ Ահմադիի արարքում «Մաքսային կարգավորման մասին» ՀՀ օրենքի 309-րդ հոդվածով նախատեսված մաքսային կանոնների խախտման հատկանիշներ առկա չեն:

(այն հանգամանքների շարադրումը, որոնք բացահայտվել են գործը քննելիս)

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ «Վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման հետևյալ հանգամանքների առկայության դեպքում՝ վարչական իրավախախտման դեպքի կամ կազմի բացակայությունը»:

Հիմք ընդունելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետը՝

(իրավական ակտի հոդվածը, մասը, կետը)

Ո Ր Ո Շ Ե Ց Ի

1. ԻԻՀ քաղաքացի Վահիդ Ահմադիի նկատմամբ «Մաքսային կարգավորման մասին» ՀՀ օրենքի 309-րդ հոդվածով սկսված մաքսային կանոնների խախտման վերաբերյալ գործի վարույթը կարճել: Որոշման մասին օրենքով սահմանված կարգով իրազեկել քաղաքացի Վահիդ Ահմադիին:

(նշվում է քննվող գործի վարույթը կարճելու մասին կայացված որոշումը)

2. Սույն որոշումն ուժի մեջ է մտնում կայացման պահից:

ՀՀ պետական եկամուտների կոմիտեի Հարավային մարսապտուն-վարչություն
(ստորաբաժանման անվանումը)

Ղեկավարի
ժամանակավոր

պաշտոնակատար՝ Նարեկ Սարգսյան
(անուն, ազգանուն)


(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

2024թ.

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: